

EBOLA



Waa wommee Ebola ? Buu nja efanjoor eeno ?

- Ebola kankaan búniw.
- Ebajut épengu son gasonten gayuhoe gara go.
- Kankaan gásuumut gatafe gugorenegoren gásuumut gápurene fúsím n'síñundu, m'butum, n'guwos, son n'eniin.
- Gújujuh gútíp meen m'bugan tariya máamak. **Ecemeóoceme bugan 90 gújuhe gucet dó.**



- Gucee gupagepak. Regenregen gájaaliye mee bu lopitaan.
- Usónta waawu gújuhe gútípen gásuumut gaagu gucee. Gammee múkaanumaay : Bugara síndo'ool son úsontenaool.



- Egor eñalen yabaje Ebola yaayu, júhe gútípi. Gíkaanum! Jifok siñalen saasu n'gákaanum. Jikuhi so.
- Jambil utaas, jambil ugor ban jambil ugaab eñalen yara Ebola.
- Jambil an acik, jambil an agor tan eñalen yaayu etaasi mee.

Buu nja kaani mee nogoor Ebola bajogeri?


Gásuumut gaagu gújuhe gúpuruli tuhoor gunak gúruba aw balakoer ukohoor nan abaje go

Emír go étiyoora kaanekaan :

Benen to :



Eniin
ésup



Ebejabeja



Fukow
etek



Buyok



Emas
(júhe jaorul
n'fúsím dó)



Far etey
(júhe jaorul
n'fúsím dó)



Gálumo
(júhe jaorul
n'fúsím dó)



Gásimen
n'síñundu m'butumi
son gapoli

Gapooy Ebola son buu nújuhaale ukaanaal neeni Ebola ejogolaal ?

- Ujúhe ubaj Ebola n'an ásuumuhe mbaa n'eñalen ya baje yo.
- Utaasaal gunenolaal nanoonan son éseefuno.
- Jambil ugoraal an haani hanur abaje Ebola: haani wapúrulo mee nu ho nañ: fúsímool, bamaseroor, wahool, musuroor.



- Eeni baje an han gujoge, jiwook tariya lopitaanuul yareg mee neciguul njigaaniil min kaanuul n'énimero ye **800 00 50 50**

- Ujantenaal basaaber bara édokutoor. Ujúhaale uja'aal bu n'silopitaan sabaj mee sembe.
- Upooyaal bugoroor m'bugaagu jambil útipenaaliil.
- Bamaser son bate'er far bújuhe bútipen bugaagu, jikaan to gákaanum gáamak.



Bajut gásonten gan úmire urok guyuhoyuho, bare gásonten gara gamamayen gájaali'i bu silopitaan sasóntene mee Ebola benembenen harije yara epak.

